

道光

貴陽府志

(三)

清·周作楫 修 蕭琯 等纂

咸豐二年朱德璣綬堂刻本 一百一十卷

知貴陽府事恭和周作楫纂輯

知貴陽府事博白朱德璉纂輯

傳十五

上司傳上

貴陽之有土司舊矣蓋自莊臨滅且蘭封其子弟為且蘭君而且蘭諸國悉有邑君長漢武用師且蘭莊氏滅絕其間邑君長蓋未盡絕也已而興霸反表夜郎竹王子三人為侯漢末諸葛武侯之經營南中也以夷多剛狠不賓乃勸令大姓富豪出金帛聘策惡

貴陽府志卷八十七 土司傳上

一

夷為家部曲得多者奕世襲官於是夷人貪貨物以漸服屬於漢成夷漢部曲出其金銀丹漆耕牛戰馬給軍國之用蓋印土司之所由起水西安氏之先有濟火印當時所謂大姓富豪也謝氏漢世祖時有名遲者為郡功曹保郡通使于世祖世祖號之為義郎晉成帝之世李壽破甯州時斂謝忽為牂柯太守保郡獨為晉成帝嘉之命為撫夷中郎將冠軍將軍甯州刺史自是蓋謝氏世保牂柯訖平唐初牂矩充應劉景六州皆謝氏為刺史高祖武德三年牂柯謝龍羽遣使修職貢詔以其地為牂州拜龍羽為刺史封

夜郎郡公牂州勝兵三萬東距辰州水陸兼行千五

百里依五代史記西至昆明九百里南至交州千五

百里北至播州二百二十里去充州百五十里無城

郭多霖雨俗無徭役戰乃屯聚剽掠為契盜者倍三

而償殺人者出牛馬三十牂州蓋在今餘慶瓊安之

間又有東謝者居獎州南三百里其境土南距守宮

僚西連夷子廣近千里地宜五穀為畝歲一易之衆

處於山巢居汲流以飲無賦稅刻木為契見貴人執

鞭而拜賞有功者以牛馬銅鼓犯小罪則杖大事殺

之盜物者倍以償昏姻以牛酒為聘女歸夫家夫慙

貴陽府志卷八十七 土司傳上

二

潛避之旬口乃出會聚擊銅鼓吹角俗魑結韜以絳

垂於後坐必蹲距常帶刀劍男子服衫襖大口袴以

帶斜繚右肩以虎豹猿狖大羊皮為飾謝氏世為其

長部落尊畏之其族不育女自以為姓高不可以嫁

人太宗貞觀三年閏月丁未東謝長謝元深入朝冠

烏熊皮若注旄以金銀絡額被毛帔韋行膝著履中

書侍郎顏師古因是上言昔周成王時遠國入朝大

史次為王會篇今蠻夷入朝如元深冠服不同可寫

為王會圖詔可帝以其地為應州拜元深為刺史隸

黔州都督統縣五曰都尚曰婆覽曰應江曰施隆曰

羅恭卽今黎平都勻之地也地皆與貴陽相接南謝者謝氏之種落也居牂州之南故曰南謝風俗與牂州東謝相似貞觀三年其長謝彊入朝帝以其地爲南壽州授彊爲刺史統縣八曰石牛曰南陽曰輕水曰多樂曰樂安曰石城曰新安曰清蘭後省清蘭而更南壽州爲莊州今定番貴定龍里清平平越卽其地矩州亦東謝之種落也武德四年置矩州高宗永徽元年十二月庚午剌州獠叛莊州都督謝萬歲充州刺史謝法興與黔州都督李孟嘗討之萬歲法興入洞招慰遇害顯慶四年四月壬子矩州人謝無靈貴陽府志卷八十七土司傳上

卷八十七

土司傳上

三

舉兵反黔州都督李子和討平之龍朔三年矩州刺史謝法成招慰比樓等七千戶內附總章三年置祿州湯望州矩州卽貴州今貴陽也剌州充州皆謝氏領之剌州貞觀四年置統縣六曰武侯曰望江曰應江曰始安曰降昆曰剌川後省降昆剌川二縣今安順卽其地而東近修文貴筑之界充州則在今石阡銅仁之界其酋長有謝元齊謝嘉藝趙居道趙國珍趙主俗國珍有戰功授黔州都督官至工部尚書然其地遠隔牂州與今貴陽全不相涉此牂柯謝趙二氏之涯畧也唐時居今貴陽之界以州著者復有朋

州趙氏蠻州宋氏清州宋氏明州趙氏曰西趙蠻其地東距夷子西屬昆明南至西珥河山穴阻深莫知道里自云東西二十三日行南北十八日行可盡其地戶萬餘勝兵萬人俗與應州無異趙氏世長其地夷子居應州之西莊州之南西趙之東渠帥姓季氏勝兵亦萬人隋末漸與中國絕黔州豪帥田康誠之內附貞觀中遣使入貢其時西趙首領趙舍摩率所部萬餘戶內附以其地爲明州今貞豐羅斛卽其地夷子卽南丹也蠻州領縣一曰巴江德宗建中三年蠻州刺史宋鼎等朝貢時朝議以其國小自後不許貴陽府志卷八十七土司傳上

卷八十七

土司傳上

四

隨例入朝十三年正月蠻州復求入朝訴於黔中經畧招討觀察使王礎礎爲之奏云西南蕃大酋長正議大夫檢校蠻州長史繼襲蠻州刺史資陽郡開國公賜紫金魚袋宋鼎左右大首領朝散大夫前檢校邛州刺史賜紫金魚袋謝汕左右大首領繼襲蠻州巴江縣令賜紫金魚袋宋萬傳界首子弟大首領朝散大夫牂州錄事參軍謝文經前件刺史建中三年一度朝貢自後更不許隨例入朝今年懇訴稱州接牂柯同被聲教獨此排擯竊自慚恥謹遣使隨牂柯等州朝賀伏乞特賜優諭兼同牂柯刺史授官其牂

柯蠻兩州戶口殷盛人力強大鄰側諸蕃悉皆敬懼
請兩州每年一度朝貢仍依牂柯輪環差定並以才
幹位望為象推者充敕旨曰宋鼎已改官詔餘依舊
蠻州巴江即今開州及巴香也後唐明宗天成二年
牂柯清州八郡刺史宋朝化八朝冠帶如中國貢草
豆蔻二萬箇朱砂五百兩蠟二百觔清州即今會竹
宋朝化即水東宋氏之祖也羅甸國者蓋姓羅
火之曹也宋初朝貢之州九曰南甯曰充曰烈曰
曰壯曰明曰牂曰矩曰清南甯莊明矩清皆有今貴
陽地南甯者本在今之曲靖府唐末東徙于清溪鎮
貴陽府志卷八十七 土司傳上 五

始在今定番州南蓋相距千里矣五代史記晉天福
五年南甯州酋長莫彥殊率其本部十八州都雲
是尹懷昌率其昆明等十二部牂柯張萬溶率其夷
播等七州皆附於楚王馬希範南甯州見于史策昉
此其時楚蓋遣將率兵討畧其地而戎之西南龍
諸蕃由是起焉宋初南甯酋長已易為龍氏太祖乾
德五年知西南蕃落使龍彥瑄來獻方物詔授彥瑄
歸德將軍南甯州刺史即其事也在唐宋或為國王
或為刺史雖無土司之名實即土司也自元以來始
有土司之目然其源多出於南甯諸帥及羅宋二氏

之分族今家別為傳如左而夜郎竹王之後亦具焉

水西安氏

水東宋氏

新添
小平伐

小谷龍

八番

大龍番
小龍番

小龍番

方番
小程番

金石番
韋番

洪番

盧番

張番

牛路

羅番

上馬正

金竹

水西安氏其先曰濟火本姓羅氏建甯郡人家有部

曲諸葛武侯之南征也濟火率部曲助征且獻糧以

濟軍武侯令世長其部曲梁武帝太清之亂爨氏

貴陽府志

卷八十七

土司傳上

六

有甯州中國呼之為爨蠻又號為烏蠻亦呼昆明蠻

羅氏世屬保氏已而爨氏漸衰羅氏東保什子遺故

亦號烏蠻別為盧鹿部盧鹿者羅之轉演也西南俗

尚鬼歲時必合聚部落以祭鬼推其雄長者為鬼主

唐武宗會昌羅氏鬼主阿珣內附封為羅殿王世襲

爵羅殿亦作羅甸即今貞豐之羅蕃甲後又封其別

帥為滇王旋改普甯王元之普里即其地今安順舊

州是也普甯蠻語演為普露靜後唐明宗天成二年

昆明大鬼主羅殿王普露靜王九部落各遣使附

牂柯以來五代之末改羅殿王為順化王普甯王為

奉化王宋初仍之而蠻俗稱王爲王子又別自分王子弟亦稱王子太祖乾德五年六月丁亥順化王子等來獻方物九月甲午順化王子部才一作武等來獻方物詔授部才爲懷化將軍部才弟子若啓爲歸德司階武龍州部落王子若熾東山部落王子若差羅波源部落王子若臺訓州部落王子若從雅平部落王子若冲戰洞部落王子若磨羅母殊部落王子若好石人部落王子若藏並爲歸德司戈開寶二年七月戊辰順化王子部才等百四十人來獻方物以部才爲歸德將軍來人乞賜鈿函手詔以舊制所無不

貴陽府志

卷八十七

土司傳上

七

許四年南甯州番落使龍彥瑄卒歸德將軍武才及八刺史狀請以彥瑄子漢瑋爲嗣詔授漢瑋南甯州刺史兼番落使順化王蓋又受番落使統轄也八年八月壬戌九部順化王子若發等三百七十七人來獻名馬百六十四匹丹砂千兩太宗興國五年八月甲申西南番主龍瓊琚使其王子羅若從並諸州蠻七百四十四人以方物名馬來貢雍熙二年八月癸巳奉化王子以慈等三百五十人以方物來貢淳化三年順化王子雨滯即以桶譯者誤書也貢馬及朱砂至道元年九月丙午歸德將軍順化王子以桶從龍氏入貢

詔以植爲安遠大將軍是時西南番統屬於龍氏中國稱之爲牂柯國其屬有甲頭王子刺史判官長史司馬長行僚人七等之名甲頭王子卽部落之長刺史以下皆唐制也又自以一二百戶爲一州州有長州長蓋又小於刺史云仁宗至和二年王子羅以崇從龍氏入貢命其首領而下九十三人爲大將軍至卽將其後羅甸國又別稱羅番或單稱羅國神宗熙甯六年四月羅番同龍番方番石番八百九十人入覲貢丹砂檀馬賜袍帶有差元豐二年九月甲午羅番入貢哲宗元祐七年西南番羅氏入貢紹聖三年

貴陽府志

卷八十七

土司傳上

八

羅番入貢四年羅番入貢元符元年西南番羅氏入貢宋南渡常市馬於其國高宗紹興三年邕州置提舉買馬司以市馬於羅殿自杞大理諸蠻未幾廢買馬司帥臣領之七年胡舜陟爲帥歲中市馬二千四百詔書褒之其後馬益精歲費黃金五鎰中金二百五十鎰錦四百絕四千廉州鹽二百萬觔得馬一千五百須四尺以上乃市之其直爲銀四十兩每高一寸增銀十兩有至六十七兩者土人云尤駟駿者在其產處或博黃金二十兩日行四百里第官值已定不能致此自北諸番本無馬轉市之南詔南詔大

理國也桂海虞衡志云南江之外稍有名稱者羅殿
自杞以國名羅孔特磨白衣九道等以道名此皆成
聚落地皆近南韶羅在融宜之西邕之西北唐會昌
中封其帥爲羅甸王世襲爵歲以馬至橫山互市亦
有移至邕稱守羅國王羅呂押馬者稱西南謝番和
武州節度使都大照會羅甸國文字按唐史東謝蠻
居黔州西謝氏世酋長部落尊畏之然則謝番蓋羅
甸之巨室又知其地近牂牁羅國卽羅甸國羅其
國王之姓名也二十四年四月己酉羅甸貢名馬元
世祖至元十五年八番羅甸內附以羅阿資爲羅甸
貴陽府志卷八十七土司傳上九

國遇蠻軍安撫使阿資之後內徙居於濠江之東旋
爲龍氏所代羅甸國遂亡石人山在唐宋矩州之西
北三十里卽石人部落王孖若藏之所居也旋據矩
州梁益魚賄同呼矩譌爲貴宋太祖乾德七年貴州
晉貴及其子乞內附太祖予之勅曰予以義正邦華
夏蠻獠罔不率服惟爾貴州遠在要荒先王之制嬰
服者來貢荒服者來享不貢有征伐之兵攻討之典
予往年爲扶播州楊氏之弱勞我王師罪人斯得想
亦聞之有司因請進兵爾土懸問不貢予則曰遠人
不服則修文德以來之窮兵黷武予所不忍尋乃班

師近得爾父子狀知欲向化乃布茲文告之爾若挈
土來庭爵土人民世守如舊故茲制旨想宜知悉已
而納土因賜之王爵開寶八年羅氏爲蠻州宋氏所
逐乃北徙仁宗慶歷初有曰得蓋者居故姚州地詣
瀘州請命瀘州言管下溪洞十州有唐及本朝所賜
州額今烏蠻王子得蓋居其地部族最盛旁有舊姚
州廢已久得蓋願得州名以長夷落詔復建姚州以
得蓋爲刺史鑄印賜之得蓋死其子竊號羅氏鬼主
鬼主死子僕射襲其號弱不能令諸族烏蠻有酋領
二曰晏子曰斧望箇恕常入漢地鬻馬晏子所居直
貴陽府志卷八十七土司傳上十

長甯甯遠以南斧望箇恕所居直納溪江安以東皆
僕射屬部也晏子距漢地絕近猶有清井之阻斧望
箇恕近納溪以舟下瀘不過半日二酋浸强大擅劫
晏州山外六姓及納溪二十四姓生夷弱小皆相與
供其軍實熙寧六年羅晏夷叛詔熊本察訪梓夔得
以便宜治夷事本嘗通判戎州習其俗謂彼能擾邊
者介十二邨豪爲鄉導爾以計致百餘人梟之瀘川
其徒股聚願矢死自贖本請於朝寵以刺史巡檢之
秩明示勸賞皆踴躍順命獨柯陰一酋不至本合晏
州十九姓之衆發黔南義軍強弩遣大將王宣賈昌

言率以進討賊悉力旅拒敗之黃葛下追奔深入柯
陰窘乞降盡籍丁口土田及其重寶善馬歸之公化
年晏州六姓夷自清井謀入寇景思立戰歿本將蜀
兵募土丁及夷界黔州弩手以毒矢射賊賊驚潰於
是山前後長甯等十郡烏蠻八姓及武都夷皆內附
提點刑獄范百祿作文以誓之立石於武甯砦冰言
二酋桀黠不羈縻之則諸蠻未易服遂遣人說誘招
納晏子斧望箇恕及僕射皆願入貢受王命晏子未
及命而死乃以箇恕知歸來州僕射知姚州箇恕之
子乞弟晏子之子沙取祿路竝爲把截將西南夷部
貴陽府志 卷八十七 上司傳上 十二

沙取祿路死子鼈弊襲政和五年授鼈弊西南夷界
都大巡檢歸來州蓋今仁懷敘永之地晏子所居蓋
今鎮雄之地而姚州卽今大定之姚宅夷語稱要架
者是羅氏鬼主後稱羅氏鬼國理宗寶祐四年五月
甲辰羅氏鬼國遣使報思播言元兵屯大理國取道
西南將大入邊詔賜銀萬兩使思播結約羅鬼爲援
是時羅氏復據有貴州分水東水西二部水東稱貴
州水西蠻語稱爲亦奚不薛元世祖至元十五年閏
月庚戌朔羅氏鬼國主阿梓內附詔以阿梓爲安撫
使佩虎符時亦奚不薛地多未附各立寨依險自保
貴陽府志 卷八十七 上司傳上 十三

十六年六月詔雲南行省左丞愛魯討平之已而羅
施鬼國復叛卽羅氏鬼國 十七年三月乙未詔雲南四川
湖廣兵討之六月丁丑又使呂告蠻部安撫使王阿
濟及萬戶咎坤招之七月甲子益兵征之九月丁卯
羅氏鬼國主阿察卽阿梓降於李德乃改鬼國爲順元
路以阿察爲宣撫使亦奚不薛又叛復令湖廣兵討
之十一月丁丑亦奚不薛降壬辰亦奚不薛之酋病
遣其從子襲職入覲帝以其不稟命輒令從子襲職
無人臣禮令湖廣兵勿還已而其酋請命乃班師十
八年羅氏鬼國主阿利爲烏瑣納空二部所侵烏瑣

獻納空論止之十九年亦奚不薛又叛六月丁巳發
即落江雲南湖廣四川兵討之所部五萬餘戶俱降其酋阿
里遁走遂以兵戍之二十年七月壬申阿里及軍民
千戶宋漆富來降始班師其年羅氏鬼國主阿利入
覲立亦奚不薛總管府以阿里為總管二十五年九
月庚子鬼國遣使貢方物即羅氏成宗之世亦奚不
薛酋長女子折節及宋隆濟反陷貴州大德七年劉
國傑討平之誅節及降濟留節養子阿闕以撫其民
徙順元宣撫司於亦奚不薛以宋阿書同知宣撫事
武宗延祐五年五月辛酉順元宣撫使阿書以洞蠻
貴陽府志卷八十七司傳上

會黑冲子子昌奉方物來覲旋以軍功加八番沿邊
宣慰使佩三珠虎符封順元侯賜名帖木兒不花進
雲南左丞加龍虎衛上將軍改封羅甸侯卒順帝元
統二年子伯顏溥花襲順元等處軍民宣撫使八番
沿邊宣慰使卒弟雷翠襲職洪武初雷翠與宣慰同
知宋蒙古歹來歸改順元為貴州予二人以宣撫使
同知之官世襲先是烏蠻多不表氏惟於名上加阿
為通稱久之漸忘其氏元代夷漢人多從蒙古習命
名故太祖賜雷翠為安氏賜蒙古歹名為欽以抹正
其俗五年八月雷翠乞開所部隴右革獠不許六年

改貴州宣撫司為宣慰使令雷翠為宣慰使欽為同
知雷翠位居諸宣慰之上咸居貴州城中二十四年
雷翠卒妻奢香襲十七年奢香率所屬入朝始立龍
場九驛二十年奢香進馬每歲定輸賦三萬石子安的
襲二十五年的來朝賜三品服並襲衣金帶其年奢
復遣其子婦奢助率其部長來貢馬二十九年奢死
朝廷遣使祭之的貢馬謝恩的卒子卜葩襲卜葩卒
子中襲中老從子聚襲聚卒從子龍富襲正統七年
龍富自陳祖父以來累朝皆賜金帶臣蒙恩受職乞
如例從之十四年龍富母子勅嘉其調兵保境之
貴陽府志卷八十七司傳上

功龍富頗驕天順三年東苗之亂龍富不時出兵開
朝廷有意督之乃進馬謝罪賜勅警之龍富卒從子
觀襲觀老子貴榮襲巡撫陳儼以觀有白石崖戰功
奏請特給正三品昭勇將軍誥自洪武以來安氏管
水西夷族四十八宋氏管水東貴竹等十長官皆設
治於貴州城內安氏非有公事不得擅還水西至是
總兵為之請許其以時巡歷所部極辦貢賦暫還水
西以印授同知代理後遂常居水西矣正德中貴榮
以從征香鑪功加貴州布政司參政猶怏怏又乞減
驛龍場驛驛丞王守仁貽書論止之貴榮老請以子

佐襲命賜貴榮父子錦綺又誘苗民阿朵作亂已計之以爲功阿朵洩其情官軍進討貴榮懼自率所部爲助賊平貴榮已死坐追奪爵佐已前卒安萬鍾襲驕縱不法漢民張純土口烏掛導之游獵酒酣輒射人爲戲又嘗撻其左右爲所殺無子其從弟萬鍾宜襲萬鍾以賊未獲辭烏掛等遂以疏族幼子冒萬鍾弟曰萬均告襲承勘官入其貽遂暫令萬鍾妻奢播攝事萬鍾悔不立而恨烏掛之主其謀也遂以兵襲烏掛烏掛亦發兵相拒皆以萬鍾之死爲辭巡按御史上其狀以萬鍾宜襲但與烏掛相誣許宜各貴陽府志

卷八十七

土司傳上

十五

有罪輸贖而梟殺萬鍾者并戍純等受其賄者亦罰治詔如之未幾萬鍾卒子阿寫幼命萬鍾借襲萬鍾有助阿向之功提督尙書伍文定爲之請也萬鍾亦自陳其功乞加參政銜賜蟒衣帝命賜以舊應得之服後阿寫長襲職改名仁未幾卒子國亨幼夷民仍請萬鍾視事嘉靖四十一年國亨長始襲職當國亨之世有安智之事具阮文中錄國亨革職子民襲萬歷二十六年國亨子驍臣襲佐平播有功事具郭子章錄三十六年驍臣卒弟堯臣襲四十一年堯臣卒子位幼妻奢社輝攝事奢崇明反位叔父邦彥挾位

叛以應之時天啓二年也數年邦彥敗死位乞降削水外六目地於是安氏無貴陽地矣事具李遷諸人錄中崇禎十年位卒無子土目化沙阿烏密爭襲各以其地來獻朝議欲乘其敝而郡縣之命總督朱燦元築大方西溪比喇三城谷里歸化二堡分其地爲十二州以副將方國安鎮之俄而化沙阿烏密復叛圍大方國安誘斬化沙潰圍出城堡盡陷四月復進兵滅之乃罷十二州仍以安承宗襲水西宣慰使承宗卒子坤襲順治十五年經畧洪承疇招水西助討李定國許以阿畫雷翠故事坤喜遂以兵爲鄉導四貴陽府志

卷八十七

土司傳上

十六

月入貴陽十月平雲南敘功令坤世襲宣慰使坤後與明逃將皮熊謀叛總督楊茂勲疏請勦之康熙三年正月坤及其子鹽倉土知府安重聖同熊反

上命

吳三桂討之九月擒坤及重聖於大方之杓箐十月

擒熊於烏撒熊不食而死坤重聖伏誅以其地設四府水西爲黔西府比喇爲平遠府大方爲大定府烏撒爲威寧府十二月坤黨郎岱土司龍安藩水西頭目龍勝友重聖妻龍氏復反遣兵討平之吳三桂之叛也坤遺腹子勝祖爲土目從綏遠將軍蔡毓榮征討有功許復宣慰使職假烏撒土知府銜二十二年

十二月毓榮奏請革土知府衙不得擅預軍民事仍承襲宣慰使

上從

之三十七年勝祖卒無子遂停襲先是又建水西長官以阿玉爲之至是阿玉卒無子亦停安氏遂絕然四十八日至今尙存也語具三桂蔡毓榮王繼文錄安氏或居水西或居貴陽且轄修文地故著於篇水東宋氏其先鎮州人有宋鼎者唐德宗建中中爲蠻州刺史入朝後唐明宗天成二年又有朝化者爲清州刺史亦入朝事咸具上蠻州者今開州也清州今會周也宋太祖開寶八年鼎之裔曰景陽者逐烏貴陽府志卷八十七

詩傳上

七

蠻於黑羊箐黑羊箐卽矩州也朝廷因置甯遠軍蠻州總管府以景陽爲甯遠軍節度使蠻州總管府都總管夷語謠蠻爲大萬州爲谷落因呼爲大萬谷落總管府景陽控制有法苗民歸附卒諡忠成傳至其孫裕復以威惠爲夷民所服朝廷授甯遠軍經畧安撫使又數傳至永高兵力漸強乃自改其巴江縣爲平蠻軍徙治小谷龍改其界首部爲遏蠻軍平蠻後謚爲白馬遏蠻後謚爲葛馬甯宗嘉泰元年永高克麥新蠻自號麥新爲新添軍使其子勝居之嘉定二年永高移居貴州卽矩州也朝廷因命永高爲

貴州經畧安撫使永高卒其嗣子衰弱退居蠻州羅氏始有貴州勝旋受朝命爲右武大夫西上閤門使沿不溪洞經畧使大著德威卒孫提嗣官巴蠻都總管提卒子朝美官新添遏蠻軍安撫使化導夷俗卒致醇美西南稱之元世祖至元二十年七月壬申水西軍民千戶宋添富來降蓋清州宋氏之裔也二十八年十一月乙卯新添葛蠻安撫使宋氏內附葛蠻卽遏蠻之轉也二十九年正月丙午從葛蠻安撫使宋子賢之請招諭平伐大斃眼紫江皮陵潭溪九堡諸蠻成宗大德元年五月戊申給葛蠻安撫司驛券

貴陽府志

卷八十七

詩傳上

六

一皆勝之裔也二年五月壬戌土官宋隆濟同水西折節反率苗獠紫江蠻四千人攻楊黃寨進陷貴州盤蠻州宋氏之裔曾竹長官宋阿重景陽之十四世孫先世以功代清州刺史宋朝化之後至阿重於隆濟爲族子仍真定舊俗不分族從故亦呼爲叔父隆濟之反也阿重棄家朝京師陳滅賊計帝賜之衣長爲順元宣撫同知及折節之擒也隆濟竄逸阿重乃深入烏撒烏蒙至於水東按此水東在今敘永屬招諭木樓苗獠生獲隆濟以獻遂令阿重居隆濟故地命其地爲靖江路以阿重爲總管佩三珠坐虎符階昭毅大將

軍其所居今同知衙是也後漸進至雲南平章政事
階榮祿大夫封順元侯卒贈貴國公諡忠宣阿重一
名阿蠻見靜志居詩話再傳至孫蒙古歹以平寇功
進階昭勇大將軍俄加八番順元等處沿邊宣慰使
兼四川行省參知政事階鎮國上將軍洪武初降於
明賜名欽授貴州宣慰同知世襲親轄陳湖等十二
馬頭領貴竹等十長官司十四年欽卒妻劉淑貞隨
其子誠入朝賜米三十石鈔三百錠衣三襲都司馬
煜欲滅諸羅淑貞爲走懇諸京師諸羅卒得不滅事
具馬煜錄誠卒子斌代斌老子昂代正統七年昂卒
貴陽府志 卷八十七 土司傳上 五

子然代然貪淫科害所管陳湖十二馬頭地致苗民
激變安貴榮欲并然地誘其民作亂於是阿朶等聚
衆二萬署立名號攻陷堡寨然所居大羊場然僅
以身免貴榮遽以狀聞冀令已按治之會阿朶等洩
其情官軍進討貴榮懼乃自率所部爲助賊乎然坐
斬然奏世受爵土負國恩但變起於貴榮而身陷重
辟乞分擇因從末減依土俗納粟贖罪都御史請以
貴竹平伐七長官司設立府縣皆以流官撫理巡撫
覆奏以蠻民不願遂寢然宋氏亦遂衰子孫守世官
衣租食稅聽徵調而已其後有昂嗣宣慰同知別具

明文學傳天啓初有萬化者嗣宣慰同知同安邦彥
反率苗狎九股陷龍里爲王三善所擒其子嗣殷位
嗣職同叛崇禎七年總督朱燦元討滅之以十二馬
頭地置開州宋氏遂絕宋子賢之後曰亦憐真其子
仁貴洪武四年內附授新添長官仁貴傳昇昇傳安
安傳畧畧傳時勲時勲傳維垣維垣傳肇元肇元傳
鴻基而明祚終矣宣德元年新添土舍宋志道糾洞
蠻肆掠肅授討擒之景泰二年苗賊有在新添行劫
聚於西廬者官軍滅之以聞皆明代新添事也鴻基
於順治十五年內附仍授長官如舊鴻基傳子繩祖
貴陽府志 卷八十七 土司傳上 二十

繩祖傳子源源傳子廷璽廷璽傳子遐齡遐齡於雍
正七年襲職傳子體祁體祁弟輝祁輝祁傳子璫現
永襲無印有號紙錫貴定縣阿蠻之子阿里大德末
以功別授小平代長官傳斌保洪武十五年授長官
斌保傳昭昭傳海海傳寬寬傳亶亶傳繼思繼思傳
文壽文壽傳國臣國臣傳弟國才國才傳天培順治
十五年內附仍授長官傳子世隆世隆傳子子立子
立傳子光遠光遠傳子德彰德彰傳子思敬思敬傳
子毓珠毓珠傳子鈞鈞傳弟釗現承襲有印屬貴定
縣小谷龍長官宋氏者亦蠻州宋氏之支族也其先

曰蕃元成宗元貞元年有征戰功別授白馬安撫使
同知入明改爲骨龍副土巡檢世宗嘉靖十一年宜
慰司制授小谷龍長官幕之後歷數傳至文富文富
傳琳琳傳澄澄傳福崇福崇傳恒恒傳顯俊顯俊傳
三才三才傳景運順治十五年內附准授長官景運
傳之爵之爵傳弟之宰之宰之宰之宰之宰之宰之宰
承恩承恩傳大本大本傳紹宗紹宗傳安邦現承襲
無印有號紙屬龍里縣

八番龍氏方氏石氏程氏韋氏洪氏盧氏張氏皆起
於馬希範之世先是馬殷時遣馬平龍德壽等率柳

貴陽府志

卷八十七

土司傳上

三

州兵討畧兩江溪洞數歲始平之而殷已卒希範嗣
立晉天福五年至南甯州南甯州酋長莫彥殊率其
本部十八州附於希範遂兩德壽等戍其地與將校
七族各番南甯而授土以時番上因稱八蕃亦稱八
番而狎家之苗亦因是起馬殷所遣之大將蓋姓作
氏故稱狎家云其後復有滕氏謝氏羅氏亦稱番或
爲土族或爲蜀族蓋馬氏之衰孟氏撫有南甯又使
其將領土人備番南甯域也然諸番遞有盛衰宋初惟
龍氏方氏張氏石氏羅氏爲著號五姓番其後程氏
韋氏又盛比附五姓號西南七番其後遞有分更張

氏且絕至宋元之際別以大龍小龍臥龍程番洪番
方番石番盧番爲入番云龍德壽者其先歛縣人隋
煬帝大業中征馬平蠻有功因家焉德壽於楚王馬
殷時爲大將階懷化將軍將兵征南甯州戍之久之
遂授南甯州刺史代莫氏世襲職宋太祖乾德五年
九月甲午知南甯州番落使龍彥瑄入獻方物詔授
彥瑄歸德將軍南甯州刺史番落使開寶四年彥瑄
卒歸德將軍武才及入刺史狀請以彥瑄子漢瑋爲
嗣詔授漢瑋南甯州刺史兼番落使是時諸番以龍
氏爲宗稱西南番主太宗太平興國五年八月甲申

貴陽府志

卷八十七

土司傳上

三

西南番主龍瓊琚使其王子羅從若從并諸州蠻七
百四十人以方物名馬來貢雍熙三年九月己未西
南番主龍漢璿自稱權南甯州事兼番落使遣牂柯
諸州酋長趙文橋率種族有餘人來獻名馬并上蜀
孟氏所給符印授漢璿歸德將軍南甯州刺史以文
橋爲懷化司戈端拱元年西南番王龍漢璿貽書五
溪都統向通漢約以入貢淳化元年八月庚午漢璿
使其弟王子漢興入貢三年十月戊子西南番主龍
漢興都統龍漢璿刺史龍光顯龍光盈等貢馬硃砂
至道元年九月丙午西南番主龍光璿遣龍光進率

諸州蠻長入貢帝召見其使詢以地理風俗譯對曰
地去宜州陸行四十五日土宜五穀多種秧稻以木
弩射麋鹿充食每一二百戶爲一州州有長殺人者
不償死出家財以贖國王居有城郭無壁壘官府惟
短垣上因令進本國歌舞一人吹瓢笙如蚊蚋聲其
久數十輩連袂宛轉而舞以足頓地爲節詢其曲則
名水曲其使十數輩從者千餘人皆蓬髮面目黧黑
狀如猿狖使者衣虎皮毳裘以虎尾揮首爲飾詔授
漢曉甯遠大將軍封歸化王又以保順將軍龍光盈
龍光顯並爲安化大將軍光進等二十四人並授將

貴陽府志

卷八十七

土司傳上

三

軍郎將司階司戈其本國從者有甲頭王子刺史判
官長吏司馬長行僚人七等之名眞宗咸平元年龍
光瑛遣使龍光顯率牂牁諸蠻千餘人來貢詔授光
腆等百三十人官二年西南番復入貢五年漢曉遣
牙校率部蠻千六百人以馬四百匹并藥物布帛奈
貢賜冠帶於崇德殿厚資遣還景德元年詔西南牂
牁諸國進奉使親至朝廷者令廣南西路發兵援之
勿抑其意先是龍光進等來朝貢上矜其道遠人馬
多斃因詔宜州至今可就賜恩物至是懇請詣闕從
之大中祥符五年西南番入賀封禪二年八月甲辰

漢瑛入賀東封加甯德大將軍仁宗天聖四年西南
番使者龍光凝貢馬丹砂景祐三年西南番主龍光
辨入貢康定元年光辨遣龍光瑋入貢慶歷五年光
辨遣龍以特入貢與以特俱至者七百九十人詔以
安遠將軍知番落使龍光辨爲甯遠大將軍知靜蠻
軍節度使龍光凝承宣武甯大將軍龍異豈並爲安
遠大將軍承宣奉化大將軍龍異魯爲武甯大將軍
皇祐二年龍光澈以方物入貢至和中西南番主龍
以烈及龍異靜首領張漢陞入貢命其首領而下九
十三人爲大將軍至郎將嘉祐八年龍以烈復至大

貴陽府志

卷八十七

土司傳上

三

率龍氏諸部族地遠且貧熙甯中來見賜以袍帶等
物刺其數於背是後南甯州龍氏漸衰不能統一諸
番龍氏亦分而爲三而南甯州但稱臥龍番矣元祐
三年西南番入貢元世祖至元十六年臥龍番龍文
求內附詔以文求爲臥龍番南甯州安撫使明太祖
洪武四年臥龍安撫使龍顏入貢五年四月改授臥
龍司長官世襲顏傳英顯洪武二十一年襲英顯傳
霖永樂二年襲霖傳聚會洪熙元年襲聚會傳文光
宏治五年襲文光傳啟元嘉靖三年襲啟元傳黎萬
歷十八年襲黎萬傳國瑞順治十五年歸付十六年襲

同瑞傳義圖康熙十八年襲義圖傳毓麟康熙四十
年襲其後又數傳至功溥功溥子文運現應襲有印
屬定番州大龍番龍昌宗德壽之支族也天福中從
德壽戍南甯後漸有職上南甯龍氏世衰昌宗之後
乃別出稱龍番英宗治平四年十二月丙辰龍番入
貢神宗熙寧六年四月乙亥龍番及羅番方番石番
八百九十人入覲貢丹砂德馬賜袍帶錢帛有差五
月辛未西南龍番入貢西南諸番比歲繼來龍番衆
至四百人神宗憫其勤詣五姓番五歲聽貢人有
定數無輒增加及別立首領以息公私之擾命宋敏
貴陽府志 卷八十七 司傳上 三

求編次諸國貢錄客省四方館撰儀皆著爲式元豐
二年九月甲申龍番入貢五年十二月辛未龍番入
貢七年九月壬寅龍番入貢哲宗元祐二年十月己
亥龍番遣人入貢四年十月丁未龍番入貢五年龍
番入貢方物七年西南番龍氏入貢八年龍番貢方
物遷其酋猷紹聖三年西南番龍氏入貢四年龍番
入貢龍氏於諸姓爲最大其貢奉尤頻數使者但衣
布袍至假伶人之衣入見器寶貧陋所襲者恩賞而
已故事蠻夷入貢雖交趾于闐之屬皆御前殿見之
獨此見於後殿蓋卑之也龍番又稱大龍番元世祖

至元十六年大龍番內附以龍延三爲大龍番應天
府安撫使明太祖洪武四年龍世榮內附五年授大
龍司長官世榮傳德福永樂十二年襲德福傳永鎮
永樂二十二年襲永鎮傳海天順入年襲海傳昇鸞
成化十七年襲昇鸞傳衣嘉靖七年襲衣傳現光隆
慶元年襲現光傳冠萬歷三十七年襲冠傳在田萬
歷四十八年襲在田順治初卒見忠節傳在田傳登
雲崇禎十六年替順治十五年仍授長官傳飛漢康
熙十二年襲飛漢傳弟涉漢涉漢傳淑淑又數傳至
懷祖懷祖子慶雲現應襲無印屬定番州小龍番亦
貴陽府志 卷八十七 司傳上 三

南甯龍氏之族也宋仁宗慶歷五年以甯遠將軍知
靜蠻軍節度使龍光凝爲安遠大將軍武甯大將軍
靜蠻軍承宣使龍異豈爲安遠大將軍奉化大將軍
靜蠻軍承宣使龍異魯爲武甯大將軍英宗治平四
年知靜蠻軍番落使守天聖大王龍異閣等入見詔
以異閣爲武甯將軍其屬二百四十一人各授將軍
及郎將光凝異閣卽小龍番之先也元世祖至元十
五年小龍番內附以龍方靈爲靜蠻軍安撫使明太
祖洪武四年龍景歸附景傳福慶五年襲授小龍番
長官福慶傳海昇永樂三年襲海昇傳錯錯傳文英

宏治元年襲文英傳鳳雲正德二年襲鳳雲傳通海
嘉靖八年襲通海傳德貴萬歷十四年襲德貴傳雲
騰萬歷四十四年襲雲騰傳象賢崇禎十年襲象賢
傳正飛順治十五年歸附仍授長官正飛傳雷康熙
十年襲雷後歷數傳至榮光嘉慶五年襲今存有印
屬定番州方番方氏其先曰方德桓柳城人從龍德
壽討九蠻有功進至南甯遂戍馬宋神宗熙甯元年
方異現以方物入獻授異現靜蠻軍節度使或曰靜
為定音
六年方番入貢元世祖至元十六年方番內附以
方昌盛為方番河中府安撫使明太祖洪武四年方
貴陽府志

卷八十七

土司傳上

三七

番安撫使方得用歸附五年改授方番長官累傳至
正剛順治十五年歸順仍授長官正剛傳子承恩承
恩傳子玳康熙三十七年襲又數傳至定元定元子
政和現應襲有印屬定番州金石番石氏其先曰石
寶柳城人從龍得壽戍南甯累世有爵土自稱西平
州刺史又稱石番仁宗嘉祐二年西平州石自品入
貢神宗熙甯六年石番入貢元豐二年十一月丙申
西南石番入貢哲宗元祐二年八月庚寅西南石番
石以定等入首齎表自稱西平州武聖軍禮部官元
豐著令以五年為限今年限未及詔特入貢元世祖

至元十五年石番內附以石延異為石番太平軍安
撫使明太祖洪武四年石愛歸附五年授金石番長
官累傳至如玉順治十五年歸附仍授長官如玉傳
子萬年萬年傳子廷瑛廷瑛傳子嵩嵩傳子岱岱傳
子開乾隆正二年襲開乾又數傳至西舜西舜子天
星現應襲有印屬定番州程番程氏其先曰程元龍
柳城人從龍德壽平溪洞戍南甯亦有職土神宗元
豐七年西南程番乞貢方物願依五姓蠻例注籍從
之哲宗元祐四年十月辛丑西南程番入貢元符元
年西南程番入貢元世祖至元十六年程番內附以
貴陽府志

卷八十七

土司傳上

三八

程元隨為武盛軍安撫使明太祖洪武四年程谷祥
歸附五年授程番長官累傳至民新順治十五年歸
順仍授長官民新傳子飛鵬飛鵬傳子儒康熙四十
七年襲儒後又數傳至連級連級子凌膏現應襲無
印屬定番州小程番程氏程番程氏之分族也元中
葉有程鸞者以功授長官後進安撫使傳天祿天祿
字受孫明太祖洪武四年天祿歸附五年授長官天
祿傳詔詔傳加榮加榮傳天珮天珮傳受恩受恩傳
國卿國卿傳天寵天寵傳騰鳳騰鳳傳登雲順治十
五年歸順仍授長官登雲傳子起鵬起鵬傳弟一鵬

一鵬傳子玉康熙四十年襲王傳繩祖繩祖後歷數
傳至朝綱道光十八年襲無印屬定番州章番章氏
其先曰韋四海柳城人相傳爲韓信之後韓信被殺
或竊其子逃之南越因去韓之半爲韋氏世居南越
爲柳城人晉天福中四海從龍德壽戍南甯有職土
號章番又號韋章番宋哲宗紹聖二年章番入貢元
符二年韋章番入貢詔以進奉人章公夏章公市章
公利等爲郎將元世祖至元十五年西甯番章昌盛
內附詔卽其地爲安撫使後改爲章番長官明太祖
洪武四年章勝祖歸附五年授長官勝祖傳壽春洪
貴陽府志

卷八十七

土司傳上

三

武十五年襲壽春傳彥名永樂七年襲彥名傳永清
正統九年襲永清傳鳳韶宏治七年襲鳳韶傳世勳
正德八年襲世勳傳欽嘉靖五年襲欽傳一龍嘉靖
四十五年襲一龍傳啓萬曆十四年襲啓傳帝臣天
啟五年襲明末殉定番之難具忠節傳帝臣傳璋順
治十五年歸順仍授長官璋傳君召康熙十一年襲
君召傳松松傳祥遠祥遠後歷數傳至允中嘉慶二
十一年襲無印屬定番州洪番洪氏其先曰洪應受
柳城人也從龍德壽戍南甯有職土然其微終宋之
世不著元世祖至元十六年洪番內附以洪廷鳴爲

洪番永盛軍安撫使明太祖洪武四年歸附授洪番
長官歷數傳至順治十五年歸順仍授長官雍正七
年洪番長官洪國兆有罪除職改爲外委土舍國兆
後歷數傳至澤溥澤溥子正剛現應襲盧番盧氏其
先曰盧石聘柳城人從龍德壽戍南甯有職土其微
終宋世不著元世祖至元十六年盧番內附以盧番
陵爲盧番靜海軍安撫使明太祖洪武四年盧番歸
附五年以盧朝俸爲盧番長官朝俸傳彥彥傳承恩
承恩傳現朝現朝傳良輔良輔傳珠珠傳應龍應龍
傳世爵世爵傳國政國政傳大用順治十五年歸順
貴陽府志

卷八十七

土司傳上

三

仍授長官大用傳俊俊傳廷珍廷珍後歷數傳至鑑
道光十九年襲有印屬定番州張番張氏亦柳城人
也天福中同龍德壽征戍南甯假黔南道都部署遂
分土受世職宋真宗咸平三年都部署張文黔入貢
大中祥符八年張番近遣使進奉爲南甯州番落使
龍漢境所邀奪遂互相仇劫不已夔州路上言降勃
書安撫之仁宗嘉祐二年黔南道張三入貢神宗元
豐五年張番入貢乞添貢奉人至三百詔故事以七
十人爲額不許哲宗元祐二年十月己亥張番遣人
入貢紹聖元年閏月乙未張番遣人入貢元符元年